

In amen sper l'autostrada

Ils architects Herzog e de Meuron planiseschan ina chaplutta d'autostrada ad Andeer

DA MARTIN CABALZAR/FMR

■ **Ad Andeer en Val Schons** duai vegnir realisà sper l'autostrada in lieu d'uraziun e meditatiun. Ils plans per questa emprima chaplutta d'autostrada en Svizra derivan dals famus architects Herzog & de Meuron.

Ier saira èn ils plans per quest edifiçi interconfessiunal vegnids preschentads a la populaziun en preschientscha da l'uestg da Cuiria *Peter Bürcher* e da la decana da la baselgia evangelic-refurmada dal Grischun, *Cornelia Camichel Bromeis*. Sco quai ch'il parsura da la Cuminanza d'interess «baselgia d'autostrada Andeer-Val Schons» *Peider Ganzoni* ha accentuà ier a la confederenza da medias, s'orienteschia la nova chaplutta d'autostrada al concept da las chapluttas sper via dal temp medieval e vul er porscher als passants contemporans in lieu da paus, da calma, da meditatiun e d'uraziun. Entant che tals lieus da meditatiun sajan gia fitg etablids e bain frequentads en ils pajais vischins, saja quai in'absoluta novaziun en Svizra. La chaplutta pla-



Ina chaplutta sper l'autostrada – ina cuminanza d'interess vul crear in'attracziun turistica en Val Schons.

VISUALISAZIUN HERZOG & DE MEURON

nisada sin in crest bain visibel sper la A13 ad Andeer duai daventar ina «tur da glischur» ed in'attracziun turistica en Val Schons. Te-

nor l'architect *Jacques Herzog* consista la chaplutta d'in spazi visibel sur terra e da trais locals sut terra. La finanziaziun da quest

project singular duai succeder entiramain sin basa privata.

➤ PAGINA 2



Visualisaziun dal project da la chaplutta ad Andeer cun spazis sutterrans.



Divers spazis vulan dar anim per meditaziun ed uraziun.

VISUALISAZIUNS HERZOG & DE MEURON

Chaplutta da Herzog & de Meuron

In project singular da la Cuminanza d'interess baselgia d'autostrada Andeer-Val Schons

DA MARTIN CABALZAR/FMR

■ Il project preliminar da la «Chaplutta d'autostrada Andeer-Val Schons» sviluppà dal biro Herzog & de Meuron consista d'ina chaplutta sur terra che è colliada cun ina sequenza da locals sut terra. L'emprima chaplutta d'autostrada en Svizra è planisada sper il vitg d'Andeer. Ell'è projectada sin ina collina che cunfina cun l'autostrada A13 ed è visibla lunsch enturn. Previs è che la nova chaplutta vegnia cuntanschida cun ina curta spassegiada nà dal parcadi a l'ur dal guaud. Uschia possian ins evitar emissiuns supplementaras per il vitg. Cun quest project ch'ils iniziants numnan ina «tur glischanta» quintan els era cun in spert meglierament da l'access d'Andeer a l'autostrada. Els quintan dentant era che la nova chaplutta saja in magnet che possa animar da visitar ulteriuras attracziuns en la val ed er dar novs impuls economics.

Ina chaplutta cun spazis sut terra

Nà da l'autostrada duai la chaplutta esser perceptibla sulettamain sco rebus che sa cumpona da trais paraids rectangularas da medema grondezza. Las paraids n'èn dentant betg colliadas ina cun l'autra, mabain sa pusan e sustegnan ina l'autra. Il spazi furmà sin questa moda e maniera s'avra cunter tschiel. El dispona dentant era d'ina fora en il palantschieu. Tras quella descendan visitadras e visitaders sur ina stgala sturtigliada en in spazis sutterrann en furma da dratguir. Per lung da quest spazis s'avra alura ina sequenza cun trais spazis. En l'emprim pitschen spazis cun glisch natirala che penetrescha da sura en il spazis radund sa chatta ina bibla. I suonda in segund local illuminà d'ina chandaila e munì da paraids lev reflectontas cun singulas orvas da glisch natirala. En l'ultim spazis sutterrann sa chatta il cudesch da giasch e supplicas. Da là arrivon ins puspè directamain en il liber che sa stenda davos

ina fassada da vaider colorada en cotschen. «Il project è per nus absolutamain singular perquai che ni il lieu ni il program da spazis èn definids cleramain», di l'architect *Jacques Herzog*. L'entir concept stoppia vegnir sviluppà e concepì gist en il lieu e da l'autostrada anor. Sco architects hajan els tschertgà in messadi che sa cumportia cun l'ambient e rinforzia la percepziun da l'uman. Quai tant en relaziun cun il lieu, cun la natira e cun el sez, resumescha Herzog.

Sustegn da las baselgias

Il project d'in edifizis interconfessional vegn era sustegnì da las duas baselgias chantunalas. Quai demussa la preschientscha da l'administratur apostolic uestg *Peter Bürcher* sco da la decana da la baselgia evangelic-refurmada *Cornelia Camichel Bromeis*. Per Camichel è la via da transit A13 il maletg da nossa vita savens hectica e passagera. Questa chaplutta

ta dettia spazis a noss desideris ed a nossa encreschadetgna. L'entrada en chaplutta saja in viadi en il profund, avert vers ensi e l'ambient animeschia da meditar. «La horizontala da la via sa collia cun la verticala da la crusch che maina ils umans a l'essenzial da la vita», ha ditg Camichel. E l'uestg Bürcher ha aschuntà: «Sche nus percepin il misteri u betg, sche nus pensain u betg, Dieu è dapertut sin viadi cun nus! Sin l'autostrada A13 vegn ina nova chaplutta a render attentis a quai. Per fortuna da Dieu!»

Tenor ils iniziants duai la chaplutta da l'autostrada esser in lieu da meditaziun ed uraziun. Ins haja perquai renunzià sapienitivamain da plazzar la chaplutta sper in pausadi cun tancadi, kiosk e restaurant, ha punctuà *Peider Ganzoni*. La nova chaplutta na veglia era betg concurrenzar las ulteriuras fitg bellas baselgias en Val Schons e na stettia perquai era betg a disposiziun per nozzas, sepulturas etc.